

Sþ.

945. Tillaga til þingsályktunar

um jarðhitarannsóknir við Laugaland í Holtahreppi í Rangárvallasýslu.

Flm.: Ingólfur Jónsson, Helgi Jónasson, Sigurður E. Hlíðar, Þórður Benediktsson.

Alþingi ályktar að heimila ríkisstjórninni að verja á árinu 1946 allt að kr. 20000.00 — tuttugu þúsund krónum — til jarðhitarannsókna við Laugaland í Holtahreppi í Rangárvallasýslu.

Grei nargerð.

Á Laugalandi í Holtahreppi hefur verið byggt vandað samkomuhús. Var staðurinn valinn með tilliti til jarðhitans. Ungmennafélagið í hreppnum hefur komið upp myndarlegri sundlaug á þessum stað. Hiti vatnsins er 42—46 gráður. Það eru miklar líkur til, að fá megi þarna miklu meiri hita. En jarðborun kostar mikið fé og tæplega haegt að ætlast til, að litið hreppsfélag framkvæmi slikt að öllu leyti fyrir eigið fé. Nokkrir áhugamenn í hreppnum hafa safnað 10000 kr. til jarðhitarannsókna að Laugalandi. Hafa þeir hafizt handa og fengið jarðbor þangað austur. Er talið líklegt, að kostnaður við fullkomna rannsókn kosti ekki minna en fimmtíu þúsund krónur. Það er því vægt i sakirnar farið, þótt leitað sé heimildar til handa ríkisstjórninni að verja 20 þúsund krónum til þess að fá að fullu úr því skorið, hvort nægilegur jarðhiti er fyrir hendi í einni blómlegustu sveit landsins til þess að verða almenningi til gagns og þæginda.